



Rabu, 11 Oktober 2023
Ogen: 1 Petrus 3:4-6



“Kejilen Si la Ermasap-masap”



Tep-tep diberu si lit i doni enda ersura-sura gelah teridah mejile; guna nehi sura-sura e melala kosmetik si idayaken pejile rupa; melala skincare i produksi gelah pas rikutken kulit seh maka teridah mejile. Beda skincare untuk kulit ayo si erminak, si normal bage pe kulit si kering. Kerina enda i litken gelah teptep diberu teridah mejile. Keterbatasan usia bas diri manusia erbahansa maka produk kai pe i pake gelah tetap teridah mejile, kedungenna rikutken umur si lanjut; bicara produk si mahal pe i tamaken ku ayo e tetap ka nge ringut.

Pustaka ngatakan kinijilen labo erkiteken ipakena produk skincare si mahal entah perawaten si membutuhkan dana si tinggi tapi kinijelen sekalak diberu rehna arah pusuh perukuren si bersih, perukuren si teneng dengen kelemah-lembuten ndalani kegeluhen. Produk skincare erbatas gegehna; perawaten pe lit ka nge batasna; kosmetik berbagai merek erbatas ka nge kengasupenna lako mpejile sekalak diberu; tapi pusuh perukuren si teneng la erbatas gegehna si erbahansa sekalak diberu tetap teridah mejile aminna gia umurna nggo lima puluh tahun; rukur mehuli la erbaleng gegehna lako mpejile sekalak diberu rikut pe pusuh si meciho banci erbahan sekalak diberu tetap teridah mejile. Umur banci saja metua, ringut bas ayo banci saja nggo teridah, uban bas takal pe banci ka nge ncidahkan rupana. Kejilen si la ermasap-masap rehna i bas pusuh nari; kejilen si la ermasap-masap rehna i bas pikiren si teneng; kejilen si la ermasap-masap rehna arah pengerana si mehuli nari. Pebelinlah bas geluhta biak rukurlah alu payo dengen dalankenlah tetap si mehuli tentu sidat me kinijelen si la ermasap-masap.

Labo skincare erbahan kita mejile tapi cara rukur si payo.